

**სახელმწიფო შესყიდვების შესახებ
ხელშეკრულება № 129/06**

ქ. თბილისი

20 თებერვალი 2017 წელი

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოგსიანიკოვას სახით და მეორეს მხრივ, შპს „FLEXMEDIA“ (შემდგომში „მიმწოდებელი“) წარმოდგენილი მისი დირექტორის მამუკა შველიძის სახით, სახელმწიფო შესყიდვების კანონის და შპს „FLEXMEDIA“-ს სატენდერო წინადადების საფუძველზე, გამარტივებული ელექტრონული ტენდერის (SPA 170000872) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „საათი“, „კალენდარული დღე“, „სამუშაო დღე“, „კვირა“, „თვე“ – საათი, კალენდარული დღე, სამუშაო დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „შესყიდვის ობიექტის აღწერილობა“ – მიმწოდებლის მიერ სატენდერო წინადადებით განსაზღვრული აღწერილობა დანართი №1-ის მიხედვით, რომელიც წარმოადგენს ხელშეკრულების განუყოფელ ნაწილს.

2. გარანტია

- 2.1 იმ შემთხვევაში, თუ დანართი №1-ის (ფასების ცხრილის) შესაბამისად მოწოდებულ შესყიდვის ობიექტში გამოვლენილი იქნება წუნი (ხარვეზი), მიმწოდებელი ვალდებულია საკუთარი ხარჯებით (ტრანსპორტირების ჩათვლით) უზრუნველყოს აღნიშნული წუნის აღმოფხვრა, გამოვლენიდან არაუგვიანეს 3 (სამი) სამუშაო დღის ვადაში, ასევე საჭიროების შემთხვევაში უზრუნველყოს წუნდებული შესყიდვის ობიექტის შეცვლა ახლით, ხარვეზის/წუნის გამოვლენიდან არაუგვიანეს 3 (სამი) სამუშაო დღის ვადაში.
- 2.2 ბეჭდვა უნდა აკმაყოფილებდეს შემსყიდველის მოთხოვნებს.

3. ხელშეკრულების საგანი

- 3.1 ეკონომიკური საქმიანობიდან მიღებული შემოსავლების ფარგლებში, სსიპ ივანე ჯავახიშვილის სახელობის თბილისის სახელმწიფო უნივერსიტეტისთვის ბანერების ბეჭდვის და მასთან დაკავშირებული მომსახურებების სახელმწიფო შესყიდვა (CPV 79800000).
- 3.2 შესყიდვის აღწერილობა და მოცულობა მოცემულია დანართი №1-ის სახით;
- 3.3 ბეჭდვის დაზაინი ჩამოყალიბდება შემსყიდველსა და მიმწოდებელს შორის, სსიპ ივ. ჯავახიშვილის სახელობის თბილისის სახელმწიფო უნივერსიტეტის საზოგადოებასთან ურთიერთობის დეპარტამენტთან ურთიერთშეთანხმების საფუძველზე;
- 3.4 ხელშეკრულების მოქმედების პერიოდში ფასების ცხრილში (დანართი №1) შესყიდვის ობიექტის რაოდენობა და მოცულობა შესაძლებელია შეიცვალოს (შემცირდეს/გაიზარდოს) შემსყიდველის მოთხოვნის მიხედვით, მხარეთა ზეპირი შეთანხმების საფუძველზე, სახელშეკრულებო ღირებულების ფარგლებში ერთეულის ფასის შეუცვლელად;

4. ხელშეკრულების ღირებულება

4.1 ხელშეკრულების ჯამური ღირებულება შეადგენს 19 265.00 (ცხრამეტიათასორასსამოცდახუთი) ლარს.

4.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების მოწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

5. შესყიდვის ობიექტის მიწოდების ვადა, ადგილი და პირობები

5.1 მიმწოდებელმა მომსახურების გაწევა უნდა უზრუნველყოს ეტაპობრივად, კონკრეტული მოთხოვნის შესაბამისად, შემსყიდველსა და მიმწოდებელს შორის ურთიერთშეთანხმების საფუძველზე დანართი №1-ში მოცემული პირობების გათვალისწინებით, სსიპ ივ. ჯავახიშვილის სახელობის თბილისის სახელმწიფო უნივერსიტეტის საზოგადოებასთან ურთიერთობის დეპარტამენტის კონკრეტული მოთხოვნის საფუძველზე, მოთხოვნიდან არაუგვიანეს 3 (სამი) სამუშაო დღის განმავლობაში, ხელშეკრულების გაფორმებიდან 2017 წლის 22 დეკემბრის ჩათვლით.

5.2 მიმწოდებელი შესყიდვის ობიექტის მიწოდებას განახორციელებს შემდეგ მისამართზე:
ქ. თბილისი; ჭავჭავაძის გამზ. №1

6. ხელშეკრულების შესრულების კონტროლი

6.1 ხელშეკრულების კონტროლს ახორციელებს სსიპ ივ. ჯავახიშვილის სახელობის თბილისის სახელმწიფო უნივერსიტეტის ინსპექტირების ჯგუფი.

6.2 შემსყიდველი ორგანიზაცია უფლებამოსილია აწარმოოს შესასყიდი საქონლის ხარისხის ინსპექტირება ხელშეკრულების მოქმედების ნებისმიერ ეტაპზე.

6.3 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგი დაწუნებული მომსახურების ნაწილის და წუნდების მიზეზის მითითებით. შემსყიდველს უფლება აქვს მოსთხოვოს მიმწოდებელს გამოვლენილი ხარვეზის გამოსწორება დამატებითი ანაზრაურების გარეშე, მიმწოდებელი ვალდებულია საკუთარი ხარჯებით (სატრანსპორტო საშუალებების ჩათვლით) უზრუნველყოს აღნიშნული ხარვეზის აღმოფხვრა, გამოვლენიდან უმოკლეს გონივრულ ვადაში.

6.4 მიმწოდებელს წარმოდგენილი შესყიდვის ობიექტის ნიმუშები უბრუნდება, თითოეული პოზიციის შესაბამისად პირველი კონკრეტული მოთხოვნის საფუძველზე დამზადებული შესყიდვის ობიექტის შემსყიდველისთვის მიწოდებისა და მასზე ინსპექტირების ჯგუფის დადებითი დასკვნის წარმოდგენის შემდეგ 15 (თხუთმეტი) კალენდარული დღის განმავლობაში.

6.5 ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

7. შესყიდვის ობიექტის მიღება-ჩაბარების წესი

7.1. შესყიდვის ობიექტი ჩაითვლება მიღებულად და მიღება-ჩაბარების აქტი შედგება ეტაპობრივად, წინამდებარე ხელშეკრულების მე-5 პუნქტით მოცემული პირობების შესაბამისად, მიმწოდებლის მიერ წარმოდგენილი შესაბამისი სასაქონლო ზედნადებისა და ინსპექტირების ჯგუფის მიერ შედგენილი დადებითი დასკვნის საფუძველზე, მხარეთა შორის გაფორმებული მიღება-ჩაბარების აქტით.

8. ანგარიშსწორების ფორმა, ვადები და პირობები

8.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

8.2 სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

8.3 ანგარიშსწორება იწარმოებს შემსყიდველსა და მიმწოდებელს შორის ეტაპობრივად, შესყიდვის ობიექტის მიღება-ჩაბარების შუალედური აქტის, სასაქონლო ზედნადების და/ან შესაბამისი ანგარიშ-ფაქტურის გამოწერიდან და ინსპექტირების ჯგუფის დადებითი დასკვნის წარმოდგენის შემდეგ 10 (ათი) სამუშაო დღის განმავლობაში.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების ერთ-ერთი მხარე 10.4 პუნქტით გათვალისწინებული გადაწყვეტილების მიღების შემთხვევაში ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს აღნიშნულის შესახებ.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1 ხელშეკრულება ძალაში შედის ხელშეკრულების დადების თარიღიდან და მოქმედებს 2018 წლის 31 იანვრის ჩათვლით.

14. დასკვნითი დებულებები

14.1. ხელშეკრულება შედგენილია სამი თანაბარი იურიდიული ძალის მქონე ეგზემპლარად. ერთი ეგზემპლარი ინახება – „მიმწოდებელთან“, ორი – „შემსყიდველთან“.

15. მხარეთა რეკვიზიტები:

შემსყიდველი

სსიპ ივ. ჯავახიშვილის სახელობის თბილისის
სახელმწიფო უნივერსიტეტი

მისამართი:

ქ.თბილისი; ი. ჭავჭავაძის გამზ. №1

ხაზინის ერთიანი ანგარიში

მიმღების ბანკი: სახელმწიფო ხაზინა

ბანკის კოდი: TRESGE22

თსუ საკუთარი შემოსავლები

საიდენტიფიკაციო კოდი:

204864548

მიმწოდებელი

შპს „FLEXMEDIA“

მისამართი:

ქ.თბილისი; ვაჟაფშაველას 1/43;
დიდმის მასივი 3კვ., 1კორპ., ბ.85

საბანკო რეკვიზიტები:

სს „თიბისი ბანკი“

ა/ა N GE28TB 763393 6080 100002

ბანკის კოდი: TBCBGE22

საიდენტიფიკაციო კოდი:

401978311

თსუ ადმინისტრაციის ხელმძღვანელი:




/ნ. ოვსიანიკოვა/

თსუ საფინანსო დეპარტამენტის უფროსი:

თსუ იურიდიული დეპარტამენტის უფროსი:

შპს „FLEXMEDIA“

დირექტორი:




/მ. შველიძე/

/ი. საღარეიშვილი/


/ა. კუკულავა/

ფასების ცხრილი
ბეჭდვა და მასთან დაკავშირებული მომსახურებები (CPV 79800000)
(SPA 170000872)

№	შესყიდვის ობიექტის მწარმოებელი ფირმა და მოდელი (ასეთის არსებობის შემთხვევაში); მწარმოებელი ქვეყანა	შესყიდვის ობიექტის აღწერილობა			რაოდენობა	ერთეულის ფასი	სრული ღირებულება
1.	Suzhou City YIDE Exhibition Apparatus Co. Ltd (80*205) clip top bar ჩინეთი	ცალმხრივი ამოსაწევი დასადგმელი სტენდი („ამოსაქაჩი როლაპი“) Roll-UP 80X205 სმ	კონსტრუქციის აღწერილობა: კონსტრუქციის მასალა: ალუმინი კონსტრუქცია შედგება: ზამბარიანი კონტეინერისაგან რომელშიც დახვეულია დაბეჭდილი მასალა, გამოსახულება ამოწვევს შემდეგ ფიქსირდება უკნიდან შესაბამისი მილის საშუალებით. კონსტრუქციას უნდა მოყვებოდეს სატარებელი ჩანთა მისი ადვილი გადაადგილებისთვის პლაკატის ზომა: 80 X 205 (სმ) სტენდის მასალა და ბეჭდვის ხარისხი: შუქგაუმტარი (BLOCKOUT), გლუვი (MATT), PVC ფირი, Solvent ink, 1440*1440 dpi ბეჭდვის დიზაინი - ურთიერთშეთანხმების საფუძველზე	შესყიდვის ობიექტის მსგავსი ნიმუში: სალმხრივი ამოსაწევი სალაგავი	30 ცალი	100.00	3 000.00
2.	Suzhou City YIDE Exhibition Apparatus Co. Ltd (90*205) clip top bar ჩინეთი	ცალმხრივი ამოსაწევი დასადგმელი სტენდი („ამოსაქაჩი როლაპი“) Roll-UP 90X205 სმ	კონსტრუქციის აღწერილობა: კონსტრუქციის მასალა: ალუმინი კონსტრუქცია შედგება: ზამბარიანი კონტეინერისაგან რომელშიც დახვეულია დაბეჭდილი მასალა, გამოსახულება ამოწვევს შემდეგ ფიქსირდება უკნიდან შესაბამისი მილის საშუალებით. კონსტრუქციას უნდა მოყვებოდეს სატარებელი ჩანთა მისი ადვილი გადაადგილებისთვის პლაკატის ზომა: 90 X 205 (სმ) სტენდის მასალა და ბეჭდვის ხარისხი: Banner: MATT Coated 500gr/m2, 1000*1000D, 16*16 ბეჭდვის მახასიათებელი: Solvent ink, 1440*1440 dpi ბეჭდვის დიზაინი - ურთიერთშეთანხმების საფუძველზე		40 ცალი	100.00	4 000.00


შემსყიდველი

მიმწოდებელი

3.	Suzhou City YIDE Exhibition Apparatus Co. Ltd ჩინეთი	დასადგმელი ბანერი („საპრეზენტაცი ო კედელი“)	კონსტრუქციის აღწერილობა: კონსტრუქციის მასალა: ალუმინი კონსტრუქციის ზომა: არანაკლებ 4,34 X 2,28 (მ) (±3სმ) ასაწყობი კონსტრუქცია (საპრეზენტაციო კედელი) შედგება შემდეგი კომპონენტებისაგან: 6 ცალი საბეჭდი ფირი (პლაკატი) აქედან: 4 ცალი პლაკატი-ზომით 0.75 X 2.28 მეტრი; 2 ცალი პლაკატი-ზომით 0.67 X 2.28 მეტრი; ალუმინის ჩარჩო და სადგამი, კონსტრუქციის დამჭიმი ალუმინის სამაგრები და თვითწებვადი მაგნიტები, რომლებიც უზრუნველყოფენ ბანერის სიმყარეს.	შესყიდვის ობიექტის მსგავსი ნიმუში:	5 ცალი	1 400.00 (კონსტრ უქციისა და აქსესუა რების ღირებუ ლება)	7 000.00
			პლაკატის მასალა: პოლიპროსტერი (პრიალა ან გლუვი – ურთიერთშეთანხმების საფუძველზე) პლაკატზე ბეჭდება: იბეჭდება VW ფორმატში ფართოფორმატიანი ფერდაშლა CMYK ფოტოშოპის „TIF“ ფაილი <u>აუცილებელი პირობა:</u> 1. კონსტრუქციას უნდა მოყვებოდეს სატარებელი ჩანთა მისი ადვილი გადაადგელებისთვის; 2. კონსტრუქცია უნდა იძლეოდეს პლაკატების დაუზიანებლად მათი ადვილი მონტაჟისა და დემონტაჟის შესაძლებლობას.	საპრეზენტაციო კედელი (ნაჩვენებია) 	6 ცალი	100.00 (ბეჭდვის მომსახუ რების ღირებუ ლება)	600.00

შემსყიდველი _____

მიმწოდებელი _____

4.	Suzhou City YIDE Exhibition Apparatus Co. Ltd ჩინეთი	ბანერი ლიუვერსებით (ურთიერთ შეთანხმების საფუძველზე)	ბანერის მახასიათებლები: Banner: MATT Coated 500gr/m2, 1000*1000D, 16*16 ბეჭდვის მახასიათებელი: Solvent ink, 1440*1440 dpi ბეჭდვის დიზაინი - ურთიერთშეთანხმების საფუძველზე სამაგრები ურთიერთშეთანხმების საფუძველზე - ლუვერები და/ან შიდა გადაკერილი ჯიბე: 	300 მ ²	15.55	4 665.00
სულ ჯამური ღირებულება:			19 265.00 (ცხრამეტიათასორასსამოცდახუთი) ლარი დ.დ.გ-ს ჩათვლით			

შემსყიდველი



მიმწოდებელი



ინფორმაცია ინტერესთა კონფლიქტის შესახებ

ქ. თბილისი

20 თებერვალი 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ ივანე ჯავახიშვილის სახელობის თბილისის სახელმწიფო უნივერსიტეტის მიერ 2017 წლის 12 იანვარს გამოცხადებული გამარტივებული ელექტრონული ტენდერის (SPA 170000872) ეკონომიკური საქმიანობიდან მიღებული შემოსავლების დაფინანსების ფარგლებში, ბანერების ბეჭდვის და მასთან დაკავშირებული მომსახურებების სახელმწიფო შესყიდვაში ჩემი მონაწილეობა არ იწვევს ინტერესთა კონფლიქტს შპს „FLEXMEDIA“-სთან.

თსუ ადმინისტრაციის ხელმძღვანელი:



ნ. ოვსიანიკოვა